

Protocol no. 93
Sezzüda da lündeschdi, 21 marz 2011, 19.30 – 22.40

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 92 da la sezzüda dals 14 marz 2011 vain approvà.

Orientaziuns:

1. Sezzüda da capos (Scuol, Ftan, Tarasp e Sent)

Il capo orientescha sur da la sezzüda dals 4 capos manzunats aint il titul. Tanter oter es gnü discutà sur da seguaints temas:

- Refuorma da las structuradas cumünalas e regionalas dal Chantun
- Fusiuns da cumüns
- Ingrondimaint BES
- Nouv local da pumpiers a Scuol
- Collavuraziuns dals uffizis da fabrica

In connex cul tema fusiuns decida il Cussagl cumünal d'invidar a la populaziun ad ün'orientaziun generala sur dal tema fusiuns da cumüns. Quist' orientaziun varà lö i'l mais gün.

800 020 ADMINISTRAZIUN CUMÜNALA
Elecziun chanzlista

Il Cussagl cumünal ha gnü ün discuors da preschantaziun cun 2 personas chi s'interessan per la piazza. Davo avair analisà ils discuors, elegia il Cussagl cumünal a duonna Claudia Luppi, Sent sco nouva chanzlista. Ella aintra in piazza als 1. lügl 2011.

801 021 FABRICA
Heidi ed Eduard Kny – Isolaziun externa – Plan da Chavas 358

Sün dumonda da la famiglia Kny decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda fatta buna ed acclusa al permiss.
2. Il permiss no. 2011-0135 dal Chantun (BAB) es part integrala da quist decret.
3. Taxa da trattamaint da fr. 200.--.
4. Il quint dal Chantun per la procedura da BAB importa fr. 392.--.

802 790

PLANISAZIUN DAL TERRITORI

Revisiun parziala da la planisaziun cumünala - Panas-ch Sura

Il Cussagl cumünal decida da publichar l'exposiziun publica da cooperaziun per l'oget „Revisiun parziala da la planisaziun locala Panas-ch Sura“. La publicaziun düra a partir dals 24 marz 2011 per 30 dis.

803 860

PROVEDIMAINTE ELECTRIC

Renovaziuns da las staziuns da transfuormatur

L'Energia Engiadina infuormescha cun charta cha l'ESTI (Eidgenössisches Starkstrominspektorat) haja prolungà il temp per müdar oura interrupturs chi sun privlus in differentas staziuns. La cundiziun es quella cha be il persunal da l'EE das-cha entrar illas staziuns. Pervi da quai decida il Cussagl cumünal da realisar ün nouv sistem da clav per quellas staziuns pertoccas. Ils cuosts per quist adattamaint da las clav importa fr. 1'500.--.

804 800

ALPS E PAS-CHS

Società vachas mamma – Part vi dal fit dal paster

Il Cussagl cumünal decida da surtour, causa chi nu d'eira pussibel d'utilisar la chamonna cumünala da Darsüra (situaziun sanitaria), fr. 200.-- vi dal fit dal prümarn a Niruns.

L'actuar: